

Xiomara Castro ripetas denuncon pri pu?o en Honduro



Foto: PL

Havano, sep 4 (RHK) Prezidento Xiomara Castro ripetis, ke la malhelaj internaj kaj eksteraj fortoj de 2009, kun la kunkulpeco de la naciaj kaj internaciaj korporaciaj amaskomunikiloj, reorganizas sin en

Honduro por liveri novan puŝon.

En deklaroj hieraŭ nokte en la nacia radio-televida reto, la prezidentino aludis al videoelsendo de 2013 en la retportalo Insight Crime, en kiu aperas iama deputito Carlos Zelaya kune kun grupo da homoj nuntempe procesitaj pro drogo-kontrabandado, alparolante ke ili transdonus ĉirkaŭ 650 mil dolarojn kiel kontribuon al la kampanjo de Libera Partio tiutempe.

"Mi kondamnas ĉiajn intertraktadojn inter narkotistoj kaj politikistoj," Castro elstarigis en sia parolado akompanita de la Ministro de Sekureco, Gustavo Sánchez kaj la estro de defendo, Rixi Moncada. Ambaŭ oficistoj laŭtlegis ĉiajn drogkontrabandajn kazojn kiuj estas malfermitaj por esploro en la usonaj tribunaloj sen apliki ajnan selektivecon, el kiuj 26 estas de la Nacipartio kaj sep de la Liberala Partio.

"Mi petas la ĝeneralan Prokuratoran Oficejon fari drastajn agojn en ĉiaj kazoj ĉi tie prezentitaj sen iu ajn selektiveco kontraŭbatali drog-agadon," li emfazis.

La ŝtatestro petis ankaŭ la Nacian Kongreson, kie ĉia partio estas en klara minoritato, reformi ĉiajn leĝajn regularojn por ke la nuntempe limigita ŝtata sekureca forto vigle povu kontraŭbatali ĉi tiun organizitan krimon.

"Mi ordonas al la nova Defendministro provizi ĉiajn ilojn kaj teknologiojn, kiujn la Armitaj Fortoj postulas, por malhelpi Honduron daŭre esti uzata kiel ponto por drogkontrabandado, kiu estas konsumita je tunoj en la cellandoj," ĉi emfazis.

Koncerne la menciitan videon, la eks hondura prezidento Manuel Zelaya diris al la amaskomunikiloj, ke la koncerna mono neniam atingis liajn manojn kaj ke lia frato Carlos klarigis post sia libervola deklaro en la Publika Ministerio, ke li neniam informis la gvidadon de la Libera Partio pri tiu kunveno okazigita antaŭ 11 jaroj.

La unua ina prezidento de Honduro dum sia radio-televida mesaĝo atentigis, ke la paco kaj interna sekureco de ĉi tiu centramerika nacio estas en risko kaj la plano detruigi la registaron de demokrata socialismo kaj la sekva balotprocezo jam ekis.

Fonto: PL

<https://www.radiohc.cu/eo/noticias/internacionales/364332-xiomara-castro-ripetas-denuncon-pri-puco-en-honduro>



Radio Habana Cuba